

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Zakonodavno - pravna komisija

Broj: 02/2-02-1223/25
Sarajevo, 10. 6. 2025. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 11-06-2025			
Org. jed.	Broj	Priloga	Vrijednost

Na osnovu člana 46. a u vezi sa članom 56. Poslovnika o radu Doma naroda Parlamenta Federacije Bosne i Hercegovine, Zakonodavno-pravna komisija Doma naroda Parlamenta Federacije Bosne i Hercegovine, na 17. sjednici održanoj 10. juna 2025. godine, razmatrala je:

1. Prijedlog zakona o dugu, zaduživanju i garancijama u Federaciji Bosne i Hercegovine – hitni postupak,
2. Prijedlog zakona o izmjenama i dopunama zakona o naftnim derivatima u Federaciji Bosne i Hercegovine – hitni postupak,
3. Prijedlog zakona o Gradu Kiseljak – skraćeni postupak,
4. Prijedlog zakona o izmjenama i dopunama Krivičnog zakona Federacije Bosne i Hercegovine, i
5. Nacrt zakona o gasu Federacije Bosne i Hercegovine.

Na osnovu člana 51. Poslovnika o radu Doma naroda Parlamenta Federacije Bosne i Hercegovine, Komisija podnosi Domu naroda sljedeći

IZVJEŠTAJ

1. Prijedlog zakona o dugu, zaduživanju i garancijama u Federaciji Bosne i Hercegovine – hitni postupak

Ustavni osnov za donošenje Zakona o dugu, zaduživanju i garancijama u Federaciji Bosne i Hercegovine sadržan je u odredbama člana III. 1. tačka c), izmijenjen amandmanima VIII, LXXXIX i CVI, i člana IV. A.20. (1) d) Ustava Federacije Bosne i Hercegovine, prema kojima je u isključivoj nadležnosti Federacije Bosne i Hercegovine donošenje propisa o finansijama i finansijskim institucijama Federacije i fiskalna politika Federacije, a Parlament Federacije Bosne i Hercegovine je ovlašten za donošenje zakona o obavljanju funkcija federalne vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK

Komisija je u općem pretresu utvrdila da postoji ustavni osnov i nema primjedbi na Prijedlog zakona o dugu, zaduživanju i garancijama u Federaciji Bosne i Hercegovine.

Komisija nije postigla saglasnost da li su ispunjeni uslovi iz člana 186. stav 2. Poslovnika o radu Doma naroda Parlamenta Federacije Bosne i Hercegovine, kojim je propisano da po hitnom postupku može da se donese samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo da izazove štetne posljedice za Federaciju.

2. Prijedlog zakona o izmjenama i dopunama zakona o naftnim derivatima u Federaciji Bosne i Hercegovine – hitni postupak

Ustavni osnov za donošenje Zakona o izmjenama i dopunama Zakona o naftnim derivatima u Federaciji Bosne i Hercegovine sadržan je u odredbi člana III.1. tačka f), koji je izmijenjen amandmanima VIII, LXXXIX i CVI Ustava Federacije Bosne i Hercegovine, prema kojoj je u isključivoj nadležnosti Federacije Bosne i Hercegovine utvrđivanje energetske politike, uključujući raspodjelu između kantona, te osiguranje i održavanje potrebne infrastrukture, i člana IV. A. 20. (1) d) Ustava Federacije Bosne i Hercegovine, prema kojem je Parlament Federacije Bosne i Hercegovine, uz ostala ovlaštenja predviđena Ustavom, odgovoran za donošenje zakona o obavljanju dužnosti federalne vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK

Komisija je u općem pretresu utvrdila da postoji ustavni osnov i nema primjedbi na Prijedlog zakona o izmjenama i dopunama zakona o naftnim derivatima u Federaciji Bosne i Hercegovine, te predlaže Domu naroda da naprijed pomenuti Prijedlog zakona razmotri i usvoji u tekstu kako je i predložen.

Komisija nije postigla saglasnost da li su ispunjeni uslovi iz člana 186. stav 2. Poslovnika o radu Doma naroda Parlamenta Federacije Bosne i Hercegovine, kojim je propisano da po hitnom postupku može da se donese samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo da izazove štetne posljedice za Federaciju.

3. Prijedlog zakona o Gradu Kiseljak – skraćeni postupak

Ustavni osnov za donošenje ovog zakona je sadržan u odredbi člana IV. A. 5. 20. (1) d) Ustava Federacije Bosne i Hercegovine gdje je propisano da Parlament Federacije Bosne i Hercegovine donosi zakone o obavljanju dužnosti u federalnoj vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK I

Komisija je u općem pretresu utvrdila da su ispunjeni uslovi iz člana 164. Poslovnika o radu Doma naroda Parlamenta Federacije Bosne i Hercegovine, kojim je propisano da

kada nije u pitanju složen i obiman zakon, podnositelj prijedloga zakona može umjesto nacрта da podnese prijedlog zakona i da predloži da se prijedlog zakona razmatra po skraćenom postupku bez nacрта zakona.

ZAKLJUČAK II

Komisija je u općem pretresu utvrdila da postoji ustavni osnov i nema primjedbi na Prijedlog zakona o Gradu Kiseljak – skraćeni postupak, te predlaže Domu naroda da naprijed pomenuti Prijedlog zakona razmotri i usvoji u tekstu kako je i predložen.

AMANDMAN delegata Eldina Delića na Prijedlog zakona o Gradu Kiseljak – skraćeni postupak:

U članu 9. Prijedloga zakona o Gradu Kiseljaku – skraćeni postupak, iza riječi „donijet će“ dodaje se tekst: „dvotrećinskom većinom od ukupnog broja vijećnika“, dok preostali dio teksta ostaje nepromijenjen.

Zakonodavno-pravna komisija Doma naroda Parlamenta Federacije Bosne i Hercegovine razmatrala je, u skladu sa članom 180. Poslovnika o radu Doma naroda, ovaj amandman.

Nakon uvodnog izlaganja, Komisija je usvojila sljedeći

ZAKLJUČAK

Komisije je utvrdila da je amandman podnesen u skladu sa članom 177. i 178. Poslovnika o radu Doma naroda Parlamenta Federacije Bosne i Hercegovine, i predlaže Domu naroda da nakon rasprave o ovoj tački dnevnog reda postupi u skladu sa članom 184. Poslovnika o radu Doma naroda Parlamenta Federacije Bosne i Hercegovine i izjasni se o ovom amandmanu.

4. Prijedlog zakona o izmjenama i dopunama Krivičnog zakona Federacije Bosne i Hercegovine

Ustavni osnov za donošenje ovog zakona sadržan je u odredbama člana IV. A. 20. (1) d) Ustava Federacije Bosne i Hercegovine. Naime, prema odredbama člana IV. A.20. (1) d) Ustava Federacije Bosne i Hercegovine, Parlament Federacije nadležan je za donošenje zakona o vršenju funkcije federalne vlasti, iz čega proizilazi da navedena odredba predstavlja ustavni osnov za njegovo donošenje.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK

Komisija je u općem pretresu utvrdila da postoji ustavni osnov i nema primjedbi na Prijedlog zakona o izmjenama i dopunama Krivičnog zakona Federacije Bosne i Hercegovine, te predlaže Domu naroda da naprijed pomenuti Prijedlog zakona razmotri i usvoji u tekstu kako je i predložen.

Gupa delegatkinja u Domu naroda Parlamenta Federacije Bosne i Hercegovine podnijela je amandmane na Prijedlog zakona o izmjenama i dopunama Krivičnog zakona Federacije Bosne i Hercegovine.

AMANDMAN I na Prijedlog zakona o izmjenama i dopunama Krivičnog zakona Federacije Bosne i Hercegovine:

U članu 9. Prijedloga zakona, u stavu (4), iza riječi: „i organizirane trgovine ljudima“, dodaju se riječi: „krivična djela protiv čovječnosti i međunarodnog prava“.

AMANDMAN II na Prijedlog zakona o izmjenama i dopunama Krivičnog zakona Federacije Bosne i Hercegovine:

U članu 13. Prijedloga zakona, u stavu (2), iza riječi: „organizirane trgovine ljudima“ dodaju se riječi: „krivična djela protiv čovječnosti i međunarodnog prava“.

Zakonodavno-pravna komisija Doma naroda Parlamenta Federacije Bosne i Hercegovine razmatrala je, u skladu sa članom 180. Poslovnika o radu Doma naroda, naprijed pomenute amandmane.

Nakon uvodnog izlaganja, Komsija je usvojila sljedeći

ZAKLJUČAK

Komisije je utvrdila da su amandmani podneseni u skladu sa članom 177. i 178. Poslovnika o radu Doma naroda Parlamenta Federacije Bosne i Hercegovine, i predlaže Domu naroda da nakon rasprave o ovim tačkama dnevnog reda postupi u skladu sa članom 184. Poslovnika o radu Doma naroda Parlamenta Federacije Bosne i Hercegovine i izjasni se o ovim amandmanima.

Članom 56. stav 2. Poslovnika o radu Doma naroda Parlamenta Federacije Bosne i Hercegovine propisano je da se prijedlozi Zakonodavno-pravne komisije koji su formulisani kao izmjene i dopune prijedloga zakona i drugih propisa i općih akata unose u njen izvještaj i smatraju se amandmanima.

U skladu sa naprijed navedenim, Zakonodavno-pravna komisija podnosi

AMANDMAN na Prijedlog zakona o izmjenama i dopunama Krivičnog zakona Federacije Bosne i Hercegovine

Komisija predlaže da se u Prijedlogu zakona o izmjenama i dopunama Krivičnog zakona Federacije Bosne i Hercegovine, u članu 2. u stavu (17) iza riječi „osobom“ dodaju riječi: „suprotnog spola“.

Obrazloženje

Imajući u vidu činjenicu da zakonodavstvo u Federaciji Bosne i Hercegovine ne poznaje niti bračne niti izvanbračne zajednice istospolnih osoba, smatramo kako je potrebno i u izmjeni Krivičnog zakona Federacije Bosne i Hercegovine jaso definisati pojam životnog partnerstva, a kako ne bi došlo do proizvoljnog tumačenja ili pravnih nesigurnosti.

5. Nacrt zakona o gasu Federacije Bosne i Hercegovine

Ustavni osnov za donošenje zakona o gasu Federacije Bosne i Hercegovine sadržan je u odredbi člana III.1. tačka f), izmijenjen amandmanima VIII, LXXXIX i CVI Ustava Federacije Bosne i Hercegovine, prema kojoj je u isključivoj nadležnosti Federacije Bosne i Hercegovine utvrđivanje energetske politike, uključujući raspodjelu između kantona, te osiguranje i održavanje potrebne infrastrukture i člana A.20. (1) d) Ustava Federacije Bosne i Hercegovine, prema kojem je Parlament Federacije Bosne i Hercegovine, uz ostala ovraštenja predviđena ustavom, odgovoran za donošenje zakona o obavljanju dužnosti federalne vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK

Komisija je u općem pretresu utvrdila da postoji ustavni osnov i da Nacrt zakona o gasu Federacije Bosne i Hercegovine može poslužiti kao osnov za izradu prijedloga zakona, te predlaže Domu naroda da naprijed pomenuti Nacrt zakona razmotri i prihvati u tekstu kako je i predložen.



PREDSJEDNIK KOMISIJE

Haris Zahiragić, s.r.